

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 251198 24 St
Zenica, 27.01.2025. godine

Općinski sud u Zenici, stečajni sudija Amra Brkić, u stečajnom postupku nad imovinom stečajnog dužnika „WELT – AUTO“ d.o.o., 203. brigade 217, Matuzići, Doboj Jug, zastupan po z.z. direktoru Mitru Stojanoviću, koga zastupa punomoćnik Alemdar Brkić, advokat iz Tešnja, odlučujući o prijedlogu za provođenje stečajnog postupka nad imovinom navedenog privrednog društva, po službenoj dužnosti, van ročišta, dana 27.01.2025. godine, donio je sljedeće:

R J E Š E N J E

Ivica Ćurić iz Žepča razrješava se dužnosti privremnog stečajnog upravnika koji je imenovan rješenjem ovog suda broj 43 0 St 251198 24 St od 02.12.2024. godine.

Amerisa Seletović iz Zavidovića, imenuje se privremenog stečajnog upravnika.

Privremeni stečajni upravanik dužan je:

- utvrditi da li postoje razlozi i uslovi za otvaranje i vođenje stečajnog postupka, te podnijeti izvještaj sudu u roku od 30 dana,
- utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti,
- obezbijediti imovinu i starati se o imovini dužnika,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- ispitati da li imovina stečajnog dužnika može pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- dužan je da stečajnom sudiji položi račun i podnese izvještaj o svom radu za period privremene uprave.

Privremeni stečajni upravnik dužan je podnijeti pismeni izvještaj ovom sudu u roku od 30 dana od imenovanja u kojem će izvijestiti sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje izgledi da se poslovanje stečajnog dužnika u cjelini ili u pojedinim dijelovima može nastaviti, te je dužan dostaviti izvještaj o okolnostima iz člana 63. stav 7. Zakona o stečajnom postupku.

Mjere pojedinačnog prinudnog izvršenja pokrenute protiv stečajnog dužnika se obustavljaju, a izlučna i razlučna prava povjerioci ne mogu ostvariti u prethodnom postupku.

Povjerioci stečajnog dužnika se pozivaju da privremenom stečajnom upravniku bez odgađanja saopšte koje mjere obezbjeđenja buduće stečajne mase na predmetima imovine stečajnog dužnika oni zahtijevaju.

Rješenje će biti objavljeno na oglasnoj tabli suda, web stranici Općinskog suda u Zenici, na Internet stranici FIA-e i u „Službenim novinama F BiH, te će se dostaviti Odjeljenju registra ovog Suda, Zemljišno-knjižnom uredu Općinskog suda u Tešnju i Službi za katastar nekretnina Općine Doboj - Jug, radi upisa zabilježbe pokretanja prethodnog postupka.

Obrazloženje

Dana 02.12.2024. godine sud je donio rješenje kojim je pokrenuo prethodni postupak radi utvrđivanja uvjeta za otvaranje stečajnog postupka nad stečajnim dužnikom „WELT – AUTO“ d.o.o., 203. brigade 217, Matuzići, Doboj Jug. Istim rješenjem je za privremenog stečajnog upravnika imenovan Ivica Čurić iz Žepča. Sud je pokušao da dostavi navedeno rješenje privremenom stečajnom upravniku ali se pismeno vratilo sa napomenom da je imenovani preminuo. Sud je navedeno provjerio u CMS bazi I utvrdio da je imenovani stečajni upravnik preminuo dana 29.01.2021. godine, ali se I dalje nalazi na zvaničnoj listi stečajnih upravnika objavljenoj na službenoj stranici Federalnog ministarstva pravde.

Članom 61. stav 2. Zakona o stečajnom postupku sudija imenuje privremenog stečajnog upravnika koji je dužan da utvrdi:

- a) da li postoje razlozi i uslovi za otvaranje i vođenje stečajnog postupka,
- b) kada je podnosilac prijedloga za otvaranje stečajnog postupka stečajni dužnik, da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti ili
- c) kada je podnosilac prijedloga za otvaranje stečajnog postupka povjerilac, da li je povjerilac podnio prijedlog za pokretanje stečajnog postupka nakon isteka roka od 60 dana od dana nastupanja platežne nesposobnosti kada je to bio dužan da podnese stečajni dužnik, odnosno organ ovlašten za zastupanje stečajnog dužnika.

Kako je u toku postupka utvrđeno da imenovani privremeni stečajni upravnik ne može obaviti zadatke iz rješenja od 02.12.2024. godine, to je sud po službenoj dužnosti razriješio imenovanog privremenog upravnika I imenovao drugog koji će u roku od 30 dana od dana imenovanja izvijestiti sud o poduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje izgledi da se poslovanje stečajnog dužnika u cjelini ili u pojedinim dijelovima može nastaviti, te je dužan dostaviti izvještaj o okolnostima iz člana 63. stav 7. Zakona o stečajnom postupku.

POUKA O PRAVNOM LIJEKU:

Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu u Zenici putem ovog Suda.

Stečajni sudija
Amra Brkić, s.r.